

ادبیات عمومی و تحریری

هفته‌لق سیاسی، ادبی و علمی نغزته‌در.

جلد : ۱

سنه : ۱ ۲۳ جمادی الاولی ۱۳۳۵ جمعه ایرتسی ۱۷ مارت ۱۹۱۷ نومرو ۲۰

اندلسه دأثر

[سلیمان نظیف بکک همتیله [آثار مفیده کتبخانه‌سی] ضیا پاشا مرحومک اندلس تاریخی نشر ایده‌جکدره بر بشارت قلمیه اولقی اوزره شونی سویلیه‌لم که ضیا پاشانک کلیاتی نظیفک نفیس بر مقدمه‌سیله آراسته اوله‌جکدره اسلوبی بی‌همتا بر خلی زماندن بری ضیا پاشا حقنده معلومات طویلیور . بومناسبتله جلال نوری بکک دردست تحریر اولان - شرق سلطنتنک عثمانیلره انتقالی- عنوانی تاریخندن مستخرج ایکی استطرادینی مجموعه‌مزه درج ایدیورز .]

* *

واهی اندر واهی ! واهی اندر واهی !
هرشی واهیدر . دیدی « واعظ » بن
داؤد علیه‌السلام .

[کتاب مقدس : واعظ ، ۲]

باقی قالان بوقبده بر خوش صدا ایمش .

هنوز عثمانلی دولتی تشکل ایتمه‌دن، بغدادده خلفای عباسیه محافظه موقعله مشغول ایکن عراق، سوریه و عربستانده کی مسلمانلردن بشقه مسلمانلر [بحرالشام] ی یعنی آق دکزی حاکمیتلری آلتنه آلیورلر و اوزروپانک اقصادی غربنده مطمئن و مدبذب بر اوروپا ملت اسلامیه‌سی تشکیل ایدیورلردی . بوملت و مدنیت اسلامیه حقیقه یوکسکدی ؛ ویدی یوز سنه دوام ایتدی . لیکن انقراض کلی ایله منقرض اولدی . [جزیره‌الاندلس] یعنی [ایبری] یارم آطه‌سنده عظمت سابقه‌نک یادداشتی اولقی اوزره تک بر عائله ، توتر بر بچک اوجاق، اوزرندن اذان محمدی اوقونور بر مناره قالمدی . مغلوب مسلمان بقیه خونی اسپانیول قاننه قارشیدی . قالان عرب اقلیتی اسپانیوله تمثل ایتدی . اسلامیت هریردن زیاده اسپانیاده فنا کورولدی ؛ محو ایدلدی . فی‌الواقع صدد اصلیمز اولان عثمانلی تاریخی ایله اندلسک مقدراتی آردسنده بر مناسبت یوق ایسه‌ده اجماله خامه‌ران اولدیغمز تاریخ اسلامک مضبوطیتنه خلل تطرق ایتمک ایچون بوجهتی‌ده محاکمه ایدیورز . اوت !

L. - A. Sédillot نک و برچوق فرنک ارباب دانشنک قولنجده‌ده توالی ایدن یدی عصر فتح و انحطاطده معنویات و اخلاق، علم و عرفان، حرفت و صنعت، مکنت و عظمت اعتباریله اوروپالیلردن

بوتفصیلات پانچارک شومندوفرله نقلتک ممکن اولدیغنی اثبات ایدر: ذاتاً مثال اوکمزده؛ اوروپاده شومندوفرله پانچار نقلیاتکی بسیط نقلیاتدر. شومندوفر قومپانیالری خصوصی تعرفه لر تطبیقی قبول ایدرلر. حکومتک یاردیمیه بلکه یوز کیلو متره دن دخی پانچار نقلی اهور اوله بیلور. حالبوکه ایلك حسابمزدده کی فابریقه اراضینک کنارنده اولیوبده اورته سنده اوله حق اولورسه برکیلو متره لك، برچق کیلومتره لك بر نصف قطرایله خیالا ترسیم ایدیلان بر دائره داخلنده کی هر هانکی بر محلان بر ساعت طرفنده فابریقه یه آراهه ایله پانچار نقلی ممکندر. بویله اراضیلرک بولمغدیغنی دخی تصور ایتک جائز دکلدیر. آناطولی خطی اوزونده پانچاره مساعد آله پازاری، ازیمیت، اسکیشهر آره سنده برچوق منبت اراضی وارددر، بورالرده بلکه اون، اون بش فابریقه سربستهجه تاسیس ایده بیلور. روم ایلی جهتی شومندوفری اوزونده ده ایکی، اوچ فابریقه نك تأسیسنه مساعد اراضی بولونا بیلیر. دهامنت اووه لر، مثلاً دوزجه اووه سی، بولی، قونییه، بروسه، بالیکسر، کرماستی الخ ایسه کوزاوکنده پانچار زراعتنه مساعد برچوق برلردر. شومندوفر کذرکاهنده کی فابریقه لر کموری قولایقله جلب ایده بیلورلر. ارکلی خطی انشا اولونجه اهور فیاتله برچوق برلره کمور نقل اولنه بیلور. بو خطک کذرکاھی اولان آله بازار یله ارکلی آره سنده کی یایلالرده، اووه جقلزده، شکر صنایعی چابوق طوغوب قولایقله بویویه بیلور. مملکت مزده ییانجی متخصصلری و سرمایه لر یله برلی پاره وغیرتیه شکر صنایعی احداثی ممکندر. وبوکون آرتق الزمدر. تکمله طوغری یورومک ایسته بن ملتر ابتدا خارجه « قاجیر دقلری » پاره بی مملکتده آلیقویق ایچون چالیشمیلدرلر، اوندن صوکره اخراجانله طیشاردن زنکینلکی مملکت « چکمک » لازمدر. شمیدیلک یاپه بیله جکمز ویاپلمی حتی الزم اولان ایش، خارجه قاجان پاره دن برقسمنک اولسون بر ساعت اول یولنی کسمکدر!

کرک مطبوعاتده، کرکسه محافل رسمیه ده، اینزیده اکیله جک پانچار تنخی کی شکر صنعتی حاصل ایده جک نافع بر تنخم تشبث اکیلیمکده در؛ محصولنک مملکت ایچون، مملکتک زراعتی ایچون و مملکتک بیچاره زراعی ایچون رقاهیت و ثروت اوله جفنه قانمز. زراعت مهندسی سرادفوری

شرقی

جورک بنی اولدورسه ده عشقکدن اوصانام
قانام ایدیا سکا قانام، سکا قانام
هرگله گذار ایتسه ده بن عمرمه یانام
قانام ایدیا سکا قانام، سکا قانام

سن بنجه بوگون غایه خولیا واملسک
بر بوسه شوخکله هب اذواقه بدلسک
بیلسه ک نه گوزلسک، نه گوزلسک، نه گوزلسک
قانام ایدیا سکا قانام، سکا قانام.

۱۰ مارت ۳۳۳

م. رندی

اعتذار — استاد محترم سعید بک افندینک ماجد بک مرحوم خفنده کی مقاله سیله اسماعیل صبحی بکک مقاله سی کثرت مندر جانندن طولانی بو هفته یه یتشدیرله مشدر. عبدالحق حامد بک افندینک کچن هفته کی منظومه لرنده کی [جمله] کله سی یا کشلق ایله [جمله] چیقدیغندن اعتذار اولتور.